

沙河縣志卷六

物產志上

穀類

小麥一名來詩云貽我來牟廣雅云來小麥牟大麥麥金也金旺而生火旺而死說文

北方地燥冬多雪春少雨麥晝花薄皮多麩食之宜人陳者更良羣芳譜李時珍曰北

人種麥漫撒南人種麥撮撒蘇頌曰小麥秋種冬長春秀夏實具四時中和之氣故

為五穀之貴本草綱目為農產重要食糧之一春種者一年生俗稱火春子按沙邑向無春麥民國初

年湯知事銘彝由京兆購種若干石勸民試種適是年春旱收穫不豐沙人謂地質不宜遂無種者論者惜之秋種者越年生根為鬚根莖

高二三尺中空有節不分枝而在地下分株苗之良者可分二三十株葉形細長而

尖葉柄包莖如鞘夏日開花花小無瓣而有內外稈外稈之上有長芒各花密集成

穗花後結實實如梭形成熟則實與稈分離有紅麥白麥花麥等名又有穗無芒刺

者名和尚頭亦名光葫蘆性耐寒然在生長初期及秀穗前後喜溫暖溼潤成熟之

沙河縣志

卷六 物產志上 穀類

際喜乾燥忌雨溼常因春季雨量不足或秀穗後發生銹病而不能豐收鑿井灌溉

預防病患均為急務麥之用可供食料麩皮可飼牲畜麥蘖可葺屋製紙麥糠可飼

畜造肥麥稈可製草帽辦

大麥一名牟牟一作辦大也苗與粒皆大於來故稱牟麥俗稱芒大麥裸麥為大麥之變種俗稱米大麥

均種於園圃兩者外形相似鬚根莖中空有節葉狹長花小密集於莖端成穗根際

分株與小麥無別惟莖較粗而軟葉片較闊是其不同耳大麥結實後花之內外稈

與粒實密結不能分離裸麥結實後內外稈不與粒實密結極易分離春播種按沙邑多

與小麥同時種亦間有春種者俗稱春大麥夏收穫其應用甚多大麥米俗稱大麥仁可炊飯可炒熟磨為細

紛和糖拌食又帶稈炒熟磨為粗粉可飼牲畜又發芽可製麥芽糖此外製啤酒酒

精酒麩藥用之地阿斯太皆以此為原料大麥蘖稈質輕軟而光澤潔白可製草帽

蕎麥一名收麥一名烏麥一名花蕎俱見羣芳譜莖弱而翹然易長易收磨麩如麥故曰

蕎麥羣芳譜原產地為中央亞細亞吾國古時無之至唐代始由西方傳入宋代大盛

嘉祐本草始著錄今爲吾國滿洲之特產一年生莖高二尺至三尺色赤而富水分葉呈三角形或心臟形葉柄之基成鞘形包莖花梗歧出各葉腋間開白色小花雄蕊之粉房淡紫色雌蕊之子房三稜形粒實熟後色黑或銀灰亦作三稜形曲洶舊聞謂蕎麥葉青根黃莖赤花白子黑具五方之色信然其性不耐寒畏霜喜乾燥溫暖然生育期短七十日即可成熟故寒地亦可種植遇旱魃陰溼暴風雨不能抵抗植於強黏質土中不易發育植於砂質壤土或新墾之地最爲適宜其開花期長上下部不能同時開花若待上部完熟下部之實必脫故當中部成熟後即可刈取且收穫須在晨初不至損失子粒雨量較多之年鮮有種者夏旱秋初始雨種者恆多以其生育期短故也南方歲可種三次播種期在三六八等月蕎麥之用其粉可製餅餌或壓河漏攪小麥粉可製麪包饅頭其殼可填裝枕頭其糠屑可飼畜其嫩葉可作蔬菜其莖葉青時刈之可製綠肥

梁與粟形相似古時以粟爲黍稷梁之總名後世分之爲二李時珍曰穗大而芒長

沙河縣志

卷六 物產志上 穀類

二

粒粗者爲梁穗小而芒短粒細者爲粟有青黃白黑數色孟說曰北方多鋤之春不

鋤即草翳死

本草綱目

北方直名之曰穀脫殼曰小米北人日用不可缺者

羣芳譜

爲農產

重要食糧之一梁之莖質堅高四五尺葉形狹長而尖花小集成複穗花序穗形長

大曲而下垂各小花梗生有針狀硬毛粒實成熟脫去穎稃露出長圓形小粒碾去

其皮即爲小米粟之莖稍低穗形及硬毛均短各小花集合緊密粒實略小其他形

態與梁同梁粟之品種甚繁故有百歲老農不識穀種之諺以色分有黃穀白穀紅

穀以質分有黏穀麪穀粳穀以種植期分有植穀晚穀以成熟期分有快穀笨穀性

耐旱喜躁秀穗之際喜溼潤尤喜溫熱土質喜腐植質之半壤土其吸肥力甚強宜

多施基肥不可連年種於一地病害有白髮病黑穗病蟲害有粟蠶蟲

俗名黏蟲

椿象蟲

呀蟲均須預防米可炊飯造粥製飴釀酒富黏性者可製糕磨爲細粉可作蒸食

米麪

窩頭爲農家日用食品其帶皮者俗稱穀窩

藁稈爲家畜重要飼料糠粃亦可飼家畜家禽

黍古稱秬

秬黑黍見爾雅

俗稱黍子以大暑而種故謂之黍

說文

有赤黍黑黍黏者別名秫北

人謂黃米亦謂之黃糯爾雅翼一年生莖葉似粟而有粗毛穗形歧出四散而下垂粒

實扁圓而有光澤其大倍於粟生活僅百餘日穀雨播種立秋後熟收穫期甚速此

其特性也其色有赤白黃黑之不同因用途不廣故種植不如梁粟之多其要用米

可炊飯粉可製糕俗名黏糕穗枝可作帚此外釀酒製飴甚利用之清陸隴其黍稷辨良

饌伊黍鄭氏箋云筐筥所以盛黍也豐年之時雖賤者猶食黍孔疏云少牢特性大

夫士之祭禮食有黍明黍是貴也玉藻云子卯稷食菜羹為忌日貶而用稷是謂賤

也賤者當食稷耳黍離詩孔疏云黍言離離稷言苗則是黍秀稷未秀出車詩云黍

稷方華二物大時相類但以稷比黍黍差為早朱子詩傳云稷似黍而小爾雅云黍

稷邢疏云左傳黍食不鑿粢者稷也曲禮云稷曰明粢是也郭注今江東人呼粟為

粢然則粢也稷也粟也正是一物而本草稷米在下品別有粟米在中品又似二

物故先儒甚疑焉今按真定府志有粟有黍有稷而稷下注云土人咸以飯黍為稷

愚嘗合而觀之黍貴而稷賤黍早而稷晚黍大而稷小黍穗散而稷穗聚稷即粟也

今俗所謂小米者稷也所謂黃米者黍也黍有黏有不黏不黏者飯黍也黏者釀酒

之黍也其辨甚明自土人以飯黍為稷而黍稷粟之辨遂淆然本草已分稷與粟為

二種則其相沿之訛非一日矣天啓時新城王象晉作羣芳譜近時江右張自烈作

正字通亦皆指飯黍為稷甚矣俗訛之難辨也真定府志輯於雷禮雷博物多聞一

言而解先儒之惑善哉小雅甫田疏又云春官肆師注粢六穀也則是六穀總為粢

天官甸師注粢稷也惟以稷為粢者以稷是穀之長為諸穀之總名愚按稷賤而小

然則穀之長者以其多歟今土人獨指粟為穀豈非亦以其為穀之長而專此名歟

稷之為粟更無疑矣靈壽春秋祭至聖先師以飯黍當稷而不用粟是無穀之長也

沙河縣志

卷六 物產志上 穀類

可乎又稷有別種穗如狗尾草而味最美者謂之梁詩維糜維芑注云糜赤梁粟芑
白梁粟是也朱子鴉羽詩注亦云梁粟類也明會典載祭先師用黍稷稻粱是此梁
今或以高粱當之者亦非至若齊民要術云古者以粟為黍稷梁秫之總稱而今之
粟在古但稱為梁爾雅翼曰梁者黍稷之總名皆謬論矣可疑者惟朱子詩傳謂黍
苗似蘆高丈餘按黍苗無高丈餘者此似指高粱為黍然高粱雖有蜀
黍之名乃別有一種非梁亦非黍也意朱子仍先儒之說而未改歟

稷古稱粢禮記稷曰明粢一名糜見說文又名糜見呂覽注別名稌見康熙字典俗稱糜子李時珍曰稷

與黍一類二種黏者為黍不黏者為稷稷可作飯黍可釀酒猶稻之有粳與糯也北

方地寒種之有補本草綱目冀北謂之繫麥後先諸米熟炊飯疏爽香美羣芳譜稷與黍皆

禾本科植物而形相似其要用與黍略同

謹按畿輔通志云唐以前誤以粟為稷唐以後誤以黍之黏者為稷或以黍之不

黏者為稷程瑤田九穀考據說文謂禾嘉穀粟穀實米粟實梁米名此北方所謂

穀子而米為小米者也糜稌也此北方所謂糜子或稱稌子者也稷齋也五穀之

長秫稷之黏者曰朮此北方所謂高粱呼其稽為秫稽者是也據此則稷即俗所

謂高粱殆無疑義舊說皆誤陸清獻謂稷與粟是一物亦未確

蜀黍俗稱高粱有蜀林蘆稌木稷荻梁等異名漢宣帝地節三年種蜀黍博物志在北

方地不宜麥禾者乃種尤宜下溼地農政全書李時珍謂蜀黍古籍不經見而北方最多

吳其濬謂蜀黍非惟經傳無聞即本草亦不載惟博物志始著其名食物本草始著其用徐玄扈謂蜀黍古無有也後世從他方得種其黏者近秣故借名爲秣據諸說

似蜀黍非古代所有今爲重要食糧之一莖高丈許葉如帶長二尺餘葉柄包莖莖面目白色蠟質七八月間開多數小花密集於分歧之花梗上成圓錐花穗粒形扁

圓色或赤或白品種不一有白蜀黍紅蜀黍又有稈黑粒白穗形如帚者爲帚蜀黍又粒質黏者稱黏蜀黍成熟期紅者早白者較晚苗性強健生長初期最能耐旱秀

穗後不畏水溼易種植不拘土壤肥瘠紅蜀黍可造酒造醋飼畜白者米可炊飯磨爲粉可作蒸食藁稈可編蓆葺屋作燃料穗軸可作帚葉可飼牲畜全株無廢材

玉蜀黍一名玉米農政全書又名御麥留青日札謂曾又名番麥學圃雜疏又有玉高粱羣芳譜

包穀思州府志包子米盛京通志雞頭粟珍珠粟授時通考等名俗稱棒子我國古無此物原產地

沙河縣志

卷六 物產志上 穀類

四

爲北美洲距今四百一十年前經歐洲傳入我國始得其種李時珍謂玉蜀黍種出西土種者亦罕足徵明代尙未廣播今爲重要農產之一莖高四五尺莖節及葉均似高粱而較輦近地面之節叢生細根伸入土中花單性雌雄異花雌花生於莖之中部數節穗軸粗而形如短棒外包大花苞數片花柱色赤狀如毛髮露出苞外而下垂雄花生於莖頂狀如散穗而密生小花花粉下落附於雌花之柱頭上始結子實子大於豆作長方形富含澱粉其性強健生長甚速若雨水調和僅八九十日可熟生長期內喜溼惡乾因莖葉發育非水分充足不能繁茂但水溼過度莖葉紅變發育不良開花以後以高燥爲宜若陰雨連綿生長力傾向莖葉有妨結實生長期有快慢兩種快種七八十日慢種須百八十日普通所種概係快種大抵夏至後播種秋分後收穫粒色有黃白赤三種黃色最多白色次之赤色最少食用以黃色者爲美其用可製澱粉可釀酒作粥苞皮可製紙莖葉可飼畜用途甚多

稗子或單成稗按沙河土音一年生禾別也說文野生苗葉似稭子子如黍用與稭子

同羣芳譜葉細長而尖花小密集排列爲圓錐形之複穗花序有有芒者有無芒者秋

月結實水旱地皆可種植救荒本草所謂稗子有水稗旱稗二種是也性質甚健水旱及各種病害均不甚畏收量較多粒實久藏不腐自古農家皆儲以備荒粒實稟稗皆可作飼料若生刈其莖苗牲畜尤喜食之其味不如梁粟稔多米少無異穆子

大豆一名菽羣芳譜謂豆者莢穀之總名大者謂之菽一名戎菽爾雅孫炎注戎菽大菽也管子桓公一

名荏菽詩大雅藝之荏菽鄭箋以爲大豆也爲我國之原產距今百餘年前始傳入歐洲八十年前傳

入美國其時彼邦尚不知用途五十年前在奧京開博覽會展覽大豆及其製品始著名於世吾國北方產量最多東三省爲名產地爲重要食糧之一莖細長高二三尺纏繞生長葉爲三葉片之複葉花生於葉腋色白或淡紫蝶形花冠花落結莢果每莢有三四粒莖葉及莢均有毛莢熟自裂豆實散出豆之形狀大小色彩不一有大黃豆小黃豆青黃豆白皮豆紅皮豆黑豆等性喜溫暖又善耐寒空氣溼乾均無礙其發育惟在生長期宜乾結莢期宜溼土質以輕鬆而排水佳良爲宜瘠薄之土

沙河縣志

卷六 物產志上 穀類

五

種植大豆有改良土質之能力豆之用可製豆豉豆腐豆醬豆油又可攪和米麪作

蒸食豆粕餅即豆可肥田豆渣可飼豬豆芽可代蔬菜豆葉豆莢可飼牲畜

小豆一名荅廣雅云大豆菽小豆荅也亞洲原產印度最多我國次之一年生蔓性植物與大豆

有顯著之差異小豆之莖葉小於大豆且全體無毛一也大豆花長不及二分花軸亦短小豆花長約四五分花軸較長二也大豆莢短而寬內含種子三四粒小豆莢長而細內含種子十餘粒三也大豆之種臍黑色小豆之種臍白色四也大豆之粒形如腎小豆之粒形如球五也種類頗繁普通有赤白綠三種對於土質氣候之關係與大豆同惟生長期短小暑後種亦能成熟其用途白小豆綠小豆可炊飯和麥粉可製雜麪又可製粉條粉皮或生芽以供蔬食赤小豆小者入藥大者可製豆沙

豇豆一名豨見農政全書原產地爲非洲中部盛產於東印度與地中海沿岸諸國及

中國莖細長蔓性附地生長或纏繞他物上昇莖有縱線葉爲三葉片之複葉花梗自葉腋抽出長五六寸頂端開蝶形花花後結莢二三枚莢色或青或白或紫作圓

筒形短者五六寸長者尺許每莢含種子十餘粒粒色不一有黃白紅紫褐黑棕花斑諸色形狀有球形腎形其用途(一)嫩葉可供蔬食(二)粒白者可製豆沙(三)莖葉富滋養分可爲芻秣又莖葉生長迅速可抑制雜草之繁生(四)莖葉富有機質其根瘤之吸氣力亦強改良土壤最爲有^效若與他作物合種或間種結果常佳

謹按羣芳譜謂躑躅嫩時充蔬老則收子可穀可果取用最多沙邑土人所稱之菜豆角當屬此種其尋常通稱之豇豆疑即前述赤白二類之小豆以躑躅當之誤矣

菹豆一作扁豆

見本草

又作婢豆

見廣雅

一名沿籬豆一名蛾眉豆

見羣芳譜

印度及爪哇等

處原產常種植於園圃籬落間一年生長八九尺莖細長蔓性纏繞生長葉爲三小葉之複葉夏秋之際自葉腋伸出長梗著多數蝶形花色白或淡紫總狀花序莢扁而短形似鐮刀長二三寸寬六七分色綠或紫含種子三四粒粒形扁圓色有黑有白白者曰白扁豆可入藥品黑者曰黑扁豆又名鵲豆以其黑而白間也菹豆莢嫩時可烹食又因花色美而葉繁茂蒔於庭中可供觀賞性耐旱耐寒往往旱乾經月不至枯萎採收嫩莢可至霜降以後

蔬類

菘一曰白菜燕趙所種最肥大一本有重十餘斤者黃芽菜白菜別種莖葉俱扁葉

綠莖白惟心帶微黃以初吐有黃色故名

羣芳譜

吾國南北皆有北產最美山東諸省

爲原產地故南省稱之爲山東白菜春種者一年生秋種者二年生普通種菘多在秋季其味最佳周顛所謂秋末晚菘者也初種時葉叢生地上漸長互相圍擁充分成長中心殆無間隙立冬後即取而藏入窖中供冬期常食翌春削去浮葉種之畦中可收穫種子莖高達二三尺歧分多枝枝之上端生花爲總狀花序花色黃四瓣形如十字花落結錐形長果成熟乾燥裂開而散出種子性喜涼爽潤溼不甚畏寒生育末期冷氣驟增尤爲合宜土質以黏性壤土爲佳立秋前先培植秧苗待發生至四五葉移植本畦施肥灌溉至初冬長成品類甚多有翻心白抱頭白高幫菜箭

竿菜等名烹煎醃煮作羹作餛均無不宜洵冬季良好之蔬菜也

唐高適白菜詩耕地桑柘間地肥菜

常熟為問葵藿資何如廟堂肉

山藥原名薯蕷

負暄雜錄云唐代宗諱預改為薯藥又宋英宗諱畧改為山藥云云

一名土藷一名山藷

見本草綱目及羣芳譜

一名諸蕷

見山海經及爾雅翼

多年生草本莖細長捲繞他物上昇葉長形而尖花小淡黃色

單性雌雄異株穗狀花序果實有三翅形如風車葉腋生球形肉芽狀如雷丸名零

餘子

俗稱山藥蛋

根質脆多肉密生鬚根長約一二尺肉白色而黏滑內含多量澱粉野

生者根細而長多供醫藥用有消化強壯之效培養者根粗而短概供食用根及零

餘子皆可蒸食又可製澱粉嫩葉亦可烹食零餘子散綴莖旁大小不一霜後收噉

味甘滑宜人至冬掘根以白而扁者為上尤宜養老

蔥一名芘空中也諸物皆宜故曰菜伯又曰和事草

見本草綱目及羣芳譜

西伯利亞原產山

東所產最佳多年生草本葉直立作圓筒形而中空無表裏之別高達二尺莖短隱

於地下葉之基部互相包繞

俗稱蔥白

似莖而實非莖也初夏之際自葉間伸出花軸頂

沙河縣志

卷六 物產志上 蔬類

七

端生許多小花花未開時包以囊狀之苞花開則破苞放散如絨球狀為繖形花序

花色白種子色黑其全體具甘辛味性强健極易栽培氣候宜涼爽不喜多雨四時

均可種植

分二種

採葉者稱為小蔥採蔥白者稱為大蔥

本邑俗名溝蔥以種時掘土成溝故名

嫩

葉蔥白可生食熟食或用以佐餐或用作辛香料均宜

宋陸游蔥詩瓦盆麥飯伴鄰翁黃菌青蔬放筋空一事尚

非貧賤分芼羹僭用大官蔥

韭一名豐本

見曲禮

一名草鍾乳

見本草拾遺

一名起陽草

見本草綱目

菜一種而永久者謂之

韭

見說文解字

韭者嬾人菜以其不須歲種也

爾雅

亞洲原產吾國自古有之多年生草

本葉扁平柔輦細長叢生地上長約尺許秋日從葉間伸出花軸

俗名韭菜葶

頂端著多

數小花繖形花序花色白果熟皮裂散出黑色小種子莖葉及花均有辛味葉及嫩

葶嫩花均可採食冬春之際移根溫室中培以馬糞其葉黃嫩謂之韭黃味尤美韭

性强健與蔥相似極易栽培無論何地俱能生育培養得宜每年可剪四五次為四

季常食之菜蔬

元許有壬韭花詩西風吹野韭花發漏沙陀氣較葶蔬媚功於肉食多濃香誇薑桂餘味及瓜茄我欲收其實歸山種澗阿

山韭李時珍曰金幼孜北征錄云北邊雲臺戍地多野韭人皆採而食之陳藏器曰孝文韭生塞北山谷狀如韭人多食之云是後魏孝文帝所種

本草綱目

謹按沙邑迤西一帶有野韭秋季開白花其味辛烈當即此物

芥一名辣菜又名臘菜其氣辛辣有介然之義又可過冬也

羣芳譜

一年生或二年生

植物吾國處處有之其品種甚多不遑枚舉普通所種者以白芥爲多專採種子研爲末稱之爲芥末爲調理食味之辛香料芥無論何種其莖葉花均有辛味莖葉似蘿蔔花色黃似菘菜果實爲長角果種子圓而小其色有黑有白任何土壤之富於肥料及水分者皆可栽培惟採葉採根之芥須氣候涼爽發育始佳此菜生長迅速結子亦速故採收期極短

宋陸游芥詩人生各自有貴賤北風開時促高宴劉伶病醒相如渴長魚大肉何由薦凍壘此際價千金不數清泉

槐葉麪摩娑便腹一欣然作歌聊續冰壺傳

蒜一名董菜葉如蘭莖如蔥根似水仙味辛處處有之而北土以爲常食

羣芳譜

孫愜

唐韻云中國初時止有小蒜張騫使西域始得大蒜蘇頌曰本草大蒜爲葫小蒜爲

沙河縣志

卷六 物產志上 蔬類

八

蒜足證品類不一蒜爲多年生植物培養園圃中在歐洲常野生高二尺餘葉細長

而扁下部有球形之鱗莖

俗名蒜頭

內分數瓣

俗名蒜瓣

夏日從葉間出花軸

俗名蒜毫又名蒜臺

頂端

有細長囊形之花苞花開時破苞露出白色微帶紫色之小花繖形花序花間常雜有珠芽蒜之繁殖概用蒜瓣故其花多不發育即發育亦不易結實鱗莖之瓣外包鱗皮皮色有紅有白紅者瓣少而大白者瓣小而多全體俱含辛味而瓣之辛味尤烈蒜瓣無論生熟均可調味蒜毫烹食味頗脆美其性强健易生長種植期大抵初春培植亦有於年前之季秋種植者

俗謂過冬蒜

夏日採取蒜毫及蒜頭

辣椒

名見植物名實圖考

原名番椒

見食物本草

南美原產栽植者甚多一年生草本高二三尺葉

卵形而尖花色白合瓣花冠果實形狀不一有長錐形短錐形卵形柿果形嫩時色綠熟即色赤有辛味可調理食味鄉人多嗜食之

花椒

名見本草綱目

一名檄

見爾雅

一名秦椒

見本草經

葉青皮紅花黃膜白子黑秉五行之精華

最易蕃衍落葉灌木高丈餘多刺羽狀複葉有香氣夏日開單性花雌雄異株花落

生球形綠色小果熟即色赤乾燥裂開現出黑色種粒果實與嫩葉莖皮俱有香味
可用以調理食味其果實又可供藥用

唐王維椒詩桂尊吟弟子杜若贈
佳人椒漿奠瑤席欲下雲中君

蘿蔔一名蘆葩

見爾雅

一名雹葵

見爾雅

一名萊菔一名紫花菘

均見羣芳譜

一名蘿昶李

時珍曰上古謂之蘆葩中古轉為萊菔後世訛為蘿蔔南人呼為蘿昶我國自古栽培由濱萊菔淘汰變種而來今則無分南北均產之且四季均可種植王禎農書云春日破地錐夏曰夏生秋日蘿蔔冬日土酥是也普通種植多在秋季為一年生或二年生草本初生之葉叢生地上葉面粗糙葉邊多缺刻根部肥大形狀有粗細長短之不同色有白綠紅紫之差異莖伸出於葉叢中央高三四尺莖梢分枝著花總狀花序花瓣四片淡紫色或白色果細長內含種子數粒性喜溫暖溼潤之氣候與鬆軟肥沃之土壤品類甚多有白綠水旱等名其種子最易變性若與蕪菁芥藍白菜雜植一處因花粉之雜交而結果不良培養種子時宜預防之其根葉皆可生可熟可菹可齏可醬可豉可腊可飯

羣芳譜 宋黃庭堅蘿蔔詩密壤深根蒂風霜已飽經如何純白質近蒂染微青 宋子蘿菔詩紛

沙河縣志

卷六 物產志上 蔬類

九

敷翦翠叢津潤擢玉本寂
寔病文園吟餘得深齷

胡蘿蔔李時珍曰元時自胡地傳來氣味微似蘿蔔故名

本草綱目

有赤黃二種長五六

寸大者如握元時來自虜中故名

羣芳譜

二年生初生之葉叢生葉形作複羽狀分裂

根作圓錐狀為肉質長約七八寸有達尺餘者色橙黃或赤翌春從葉叢出莖高約四五尺歧出多枝花叢集於枝梢如鳥巢然複繖花序花色白果實似茴香子而小
外有刺毛根脆而甘生熟均可食又鹽漬可為鹹菜嫩葉亦可熟食且可供救荒之用

蔓菁一名蔓荊

見唐書地理志

一名蕪菁

見名醫別錄

一名葍一名須一名菴蕪一名九英菘一

名諸葛菜

均見羣芳譜

南北通有之北土種之尤多

爾雅

一年生或二年生初生之葉叢

生似菘根扁圓而多肉花黃色總狀花序其花與菘相似果實作長角形根及嫩苗嫩葉嫩薑均可食圖經所謂蕪菁四時均有春食苗夏食心亦謂之薑秋食葉冬食根是也根蒸食或煮食可充飢相傳諸葛武侯行軍種之以濟軍食故有諸葛菜之名人

久食蔬無穀氣即有菜色食蔓菁者獨否數口之家能時數百車亦可終歲足蔬

廣羣

譜 芳 且可助救荒之需

蒼蓬一名蒸菜 見本草綱目及羣芳譜 日本名不斷草歐洲南部原產二年生莖高三尺餘根

肥大有甘味呈赤黃白等色葉肥厚多水分具長葉柄花小色綠不美觀穗狀花序

性喜溼易生長種植期大抵初夏種植秧苗後移植本畦葉漸肥大採之以供蔬食

採後復生新葉陸續採摘終年不斷故日人稱為不斷草

擘藍 見農政全書 一名撒藍 見植物名實圖考 一名蒸藍 見滇本草 一名玉蔓菁 見山志 南方謂之芥藍

葉可擘食故北人謂之擘藍 見羣芳譜 其根細而有地球莖露出於地上葉色青藍似芥

藍而不團聚花形亦似之蓋芥藍之變種也球莖色白多肉其味似芥圪答而無辛

味可烹食亦可醃食

菠薐菜俗呼菠菜 按沙邑俗呼青菜 一名波斯草一名赤根菜唐劉禹錫嘉話錄云種出西域頗陵國今訛為菠薐蓋頗陵之轉聲也 見羣芳譜及植物名實圖考 春種者一年生秋種者二

沙河縣志

卷六 物產志上 蔬類

十

年生李時珍曰正二月種可備春食八九月種可備冬食是也葉濃綠色作長三角

形葉之基部兩側常有缺刻莖高一二尺花單性雌雄異株花小僅一分許單層花

被花色不美雌株結小果形似蒺藜子此菜生長迅速播種後四十日即可採取種

植期宜在春秋兩季勤加灌溉莖葉肥美若在夏季種植抽莖速而莖葉粗硬不堪

食嫩莖葉可作羹可烹食其味柔滑又可作藥用內含生活素及有機性鐵質有滋

補之效

金針菜 名見食用植物志 一名黃花菜古名鰓草詩焉得鰓草是也又作蕙草 見說文解字 又作

萱草又有忘憂療愁丹棘鹿蔥 均見本草綱目 川原花 見救荒本草 等名多年生植物有野生者

有培養者普通均種植於田園隙地高二三尺葉與蒜相似而較長夏日自葉間生

莖莖梢分枝生花花色赤黃朝開夕萎李時珍曰萱草宜下溼地冬月叢生葉如蒲

蒜而柔弱新舊相代四時青翠五月抽莖開花秋深乃盡其花有紅黃紫三色細實

三角子大如梧黑而光澤根似麥門冬最易蕃衍其用途嫩花可供蔬食乾鮮均宜

春時叢生之嫩葉亦可煮食又花大而美可供觀賞

茄一名崑崙瓜

見大葉拾遺記及農桑通訣

一名落蘇

見酉陽雜俎及食療本草

一名小茄

見晉書先蠶儀注

一年生

在熱帶地爲越年生南方草木狀云茄經冬不衰種於蔬圃中有經三五年者樹幹漸長乃成大樹每年夏秋盛熟則梯樹採之五年後樹老子稀即伐去別栽是也通常之茄高二三尺葉大作卵形或橢圓形花常生於葉腋之外花瓣紫色萼瓣均合生萼常有刺果實大直徑約七八寸多含液汁形有球形卵形扁圓形長柱形角形之別色有淡紫暗紫青黃白之分品種甚多有大紫茄燈籠紅茄白茄青嘴茄等名爲夏秋主要之蔬菜無論烹煎蒸煮以及鹽漬均無不宜

黃瓜原名胡瓜陳藏器曰北人避石勒諱改爲黃瓜至今因之

本草綱目

又名刺瓜

八閩通志

東印度原產古時不經見宋嘉祐本草始著錄云張騫使西域得種携歸中國此說雖未可盡信其非中國原產且爲漢以前所無當無可疑莖細長蔓生每節有捲鬚葉形略作五角狀與莖均有短刺花生於葉腋有雌雄之別同生一莖上雄花俗稱

沙河縣志

卷六 物產志上 蔬類

十一

荒花雄花多而雌花少不並生於一葉腋內花色黃或淡紫瓣與萼皆合生雌花子房部分發育而爲長大果實表面有刺嫩時色綠至老即黃嫩果脆美老即皮硬不堪食種植期有春種者有夏種者種植法有附地種者有支架種者其生長迅速栽培後五六十日即可摘瓜炒食醃食冷拌均無不宜爲夏季必須之品

謹按畿輔通志云月令王瓜生據本草綱目另是一種名土瓜與此別

菜瓜原名越瓜一名梢瓜色青質脆可生食苦者可作菹較黃瓜頗粗

羣芳譜

南瓜李時珍曰種出南番轉入閩浙今燕京諸處亦有之

本草綱目

北瓜倭瓜之別名

見雍正通志

似南瓜而形長

保安州志

一名番南瓜

見羣芳譜

簡稱番瓜一年生

蔓生植物莖細長中空有捲鬚攀緣上昇或附地蔓延均生可長長可數丈葉如蜀葵而大作心臟形莖葉均有硬毛花色黃有雌雄之別雄花俗稱荒花雌花結實形有圓有長有扁圓有多稜色有黃有白有青有黑有花斑群芳譜謂實形橫圓而豎扁色黃有白紋界之微凹者南瓜也實紋似南瓜而色黑綠蒂尖形似葫蘆者番南

瓜也即北性喜溫熱陰溼畏強日光土質雖無所擇若栽之於肥沃土壤時加灌溉

發育最佳普通種法概在園圃中作畦春末種植待莖蔓伸出使之偃臥覆以土俗稱

蔓壓僅露蔓尖及葉陸續覆土至雌花發出為止如此吸肥多而莖亦安全可結良好

之果實大者可達十餘斤肉質肥厚若充分成熟可耐久貯其味佳者甘而且麪早

熟之種約在六七月間其用途嫩者可烹食可作羹作餡老者蒸食煮食可代餐種

子炒食為嗜食品嫩花油煎和糖食亦佳又北瓜老熟後刮絲曬乾名曰瓜條耐久

儲遇有婚喪可用以作蔬亦有鬻於市者

瓠子名見羣芳譜及植物名實圖考或簡稱瓠南方謂之地蒲靈壽縣志亦名扁蒲見羣芳譜滇本草稱為龍

蛋瓜或天瓜見植物名實圖考唐本草所謂似越瓜長者尺餘頭尾相似是也壺盧名見諸家本草

及廣羣芳譜一名瓠瓜一名匏瓜見本草綱目及廣羣芳譜一名蒔姑羣芳譜即尋常所謂葫蘆是也蒲

盧一名約腹壺見廣志一名藥葫蘆李時珍謂蒲蘆細腰即今之藥葫蘆俗稱亞腰葫蘆是也三者科屬

同莖葉花之形態亦同所異者惟果實之外形耳莖細長蔓生葉心臟形掌狀淺裂

沙河縣志

卷六 物產志上 蔬類

十二

花色白單性瓠子之果實形甚長由一尺至二三尺不等色淡綠嫩肉可炒食又可作羹作餡若乾製藏之謂之瓠脯老則堅硬不能食可作容器壺盧之果實大而扁老熟者可用以酌水俗謂之瓢蒲蘆之果實大小不一中有細腰老熟者亦可作容器又可作玩好之用

謹按以上三種本縣皆有之惟用為食品者殊少

掃帚菜俗名本名地膚爾雅箭王藝郭注王帚也即此一年生高三四尺分枝甚多葉

密而狹細花小生於葉腋莖色有紅綠二種嫩葉可作蔬老可作帚

謹按本縣惟作帚用為人家必須之物食者殊稀

苜蓿一作牧宿一作木粟李時珍曰雜記言苜蓿原出大宛漢使張騫帶入中國本草

綱目多年生宿根草本高二三尺葉為三小葉所成之複葉花生莖頂開紫色小蝶形

花穗狀花序花後結螺旋狀之莢種子細小莖葉花俱為良好之牧草郭璞謂其宿

根自生可飼牧牛馬故有牧宿之名一年可刈收三次春季嫩苗可作蔬食

謹按苜蓿係豆科植物礮瘠之土栽種苜蓿有改良土質之效其葉可吸空氣中之游離窒素亦稱淡氣其根腐化後為改良土質之基本肥料本縣近城一帶種者頗多以供牧草且改砂田為沃壤亦間有採食嫩葉者

果類

梨本作梨李時珍曰好梨皆產於北土本草綱目處處有之二月開白花似雪上巳日無

風即結梨必佳羣芳譜本縣以產洛陽村者為最名著遠近年戶村留客等村頗有

栽培之者以秋白梨為上品汁多味甘耐久貯香椿梨次之酸梨俗名醋桶梨則不多見

樹高一二丈葉形卵圓而尖邊有鋸齒春末花與新葉齊發花落結果果形大小不

一種梨概用接木法以杜梨樹為幹木以梨枝為接碼嫩條發生立以木竿防風搖

動至冬則包以藁草藉防冬寒樹株長成逐年剝老皮去乾枝如枝葉過繁翦去頂

枝疏其密幹使之通風透光且隨時中耕除草驅除害蟲管理精勤結果良好每年

運銷平津等處獲利不少梨宜生食若製為果脯果醬罐頭等食品亦佳木材緻密

沙河縣志

卷六 物產志上 蔬類 果類

十三

可製器具

清談九乾陪郡司馬丁韋齋先生及金子遜修洛陽村觀梨花詩用陸放翁大雪歌韻昨歲冬暄僅微雪寒過寒食雪已絕沙村梨花賽雪開賞花

喜插角巾折千株冷色侵衣裘遐矚獨惜無高樓布簾葦箔張漫野邀陪杖履耽清遊兔葵燕麥覓未得枉勞老圃雙脚赤半畦黃韭新試芽鄰家甕醅不滿石吏況應作如是觀當風雪鬢疲吟鞍花亦不幸生長此村人賤花貪結子魯傑洛陽梨花詩并序城西洛陽村多梨花春暮花開互三十里邑中佳景也考河南洛陽梨花開時人多携酒樹下曰為梨花洗妝洛陽村之得名似亦因此梨花本數洛陽芳此地居然號洛陽一路香風三十里也應載酒洗春妝

棗一名鷄心

見本草逢原

一名赤心

見行厨集

為中國及歐洲南部原產樹高二丈許枝幹繁

多密生棘刺葉形卵圓或橢圓葉面平滑初夏開綠色小花花雖不美而有香味中秋果熟形如橢圓球而色赤有大棗脆棗兩種栽培棗樹較他樹易土質亦無所擇不畏烈風蟲害亦少喜乾惡溼為其特性故有潦梨旱棗之諺種法取根生之秧按行栽種任其繁殖或就酸棗樹用接木法亦可七八年後樹漸大即可結實果熟以竿擊落拾取曬乾可久藏不腐或浸以燒酒密封壘中越二三月取食味甘美名曰酒棗棗為家庭之常食品或乾食鮮食熟食作棗泥均佳並可入藥其木材堅可製器或為車輪車軸材又可燒炭

酸棗爾雅謂之楨孟子養其楨棘即此陶弘景云即山棗味極酸東人噉之以醒睡
本草集解 爲棗之變種高丈餘有刺鍼葉爲長卵形有三大脈花小而色黃綠實圓小熟

即紅紫本縣隨處有之西部尤多形有大小味有甘酸成熟有早晚仁可入藥木材
堅與棗同

羊棗一名丁香柿見雍正通志 一名輦棗見李善文選注 爾雅遵羊棗注實小而圓紫黑色今俗

呼之爲羊矢棗義疏紫黑色俗呼羊矢棗者乃上林賦所謂棗棗說文棗棗似柿即
今輦棗其樹葉實皆頗似柿齊民要術云柿小者栽之無者取枝於輦棗根上插之
本縣西山中有之然不多見

核桃一名羌桃一名胡桃博物志謂張騫使西域還而得故名 北方多種之以殼薄仁肥者爲佳羣芳譜

北果而宜山種學圃餘疏 高二三丈葉爲奇數羽狀複葉夏初開花雌雄花皆成長穗下

垂淡黃綠色秋結實如春桃熟後漚爛皮肉取核而食其種子本縣西山中有之

栗北地所產小者爲勝羣芳譜 樹高四五丈許葉如箭鏃初夏開花實有殼斗甚大刺

沙河縣志

卷六 物產志上 果類

十四

如蝟毛霜降後熟外有硬殼紫黑色一苞內或單或雙或三四仁淡黃色其每苞一

實而形小者爲栗之原種謂之柶見爾雅 其實曰橡栗又作茅栗或訛作茅栗一名榛

栗一名柄栗其用途栗可煮食炒食味尤佳木材堅緻可製器西山中間有之

柿本作柿爲落葉喬木有七絕一壽二多陰三無鳥巢四無蟲蠹五霜葉可玩六佳

實可啖七落葉肥大可以臨書見爾雅翼 葉爲卵形端尖夏至時開花色微黃秋後經霜

葉殷紅可愛實圓徑二寸許八九月熟未熟時味澀熟則味甘西山中種者頗多將

熟時摘取浸以溫水去其澀味俗名嬾柿爛熟後摘取則名烘柿近年北掌村有柿

市由此運銷外境者不少其以大柿去皮壓扁日夜曬露乾納囊中待生白霜後取

出味極甜美名曰柿餅又擣取棹柿棹乃柿之小而卑者他柿熟即黃赤此雖熟亦青黑色見本草 之汁多澀味者

塗於雨傘及行李之包紙上可以禦溼防腐俗稱柿漆明倪元璐詩山將枯去晚煙肥茅屋人家紅葉飛我說是

秋都不信此問春卻未曾歸

桃爲中國原產樹高一二丈葉狹長橢圓形而尖葉邊作鋸齒狀春日開花與新葉

同時發出花色淡紅果實外生毛內有硬核成熟時味甘多汁品種不一成熟期亦早晚不同有五月鮮二伏白小毛桃等名種法先於冬期下種灌以水經冬核裂翌春新秧破土出此爲土桃二三年後施行接木接後三年即開花結實故有桃三杏四季五年之諺性好溫暖若夏無酷暑冬無嚴寒及烈風易受日光之處生長最宜雨量過多土地過溼皆爲桃之所忌桃樹喜密縱橫距離一丈三四尺爲宜樹勢太高須抑制之管理得法收穫乃佳桃可鮮食可製脯製乾或作罐頭仁可食亦可入藥花艷麗堪觀賞

杏爲亞洲西部原產樹高丈餘葉形長圓春日開花色淡紅頗美觀花謝後新葉始生芒種節前後果實成熟形圓色赤黃內有硬核其肉與核易分離杏之品種有大白小白麥黃金黃等名又有一種名巴旦杏香祖筆記云出哈烈國今北方皆有之長安客話云杏仁皆苦其甘者名巴旦杏或謂之八達杏接木整枝等法大抵與桃同距離宜稀約二三丈爲宜果實甘美可鮮食亦可製脯製罐頭惟鮮杏多食易傷

沙河縣志

卷六 物產志上 果類

十五

腸胃未熟者尤不可食杏仁煮熟浸以冷水去其苦味可作蔬菜亦可入藥

蘋果與柰一類二種見羣芳譜落葉亞喬木幹高丈餘葉橢圓鋸齒甚細春開淡紅花實

圓形微扁徑二寸許生色青熟則半紅半白或全紅夏秋之交成熟味甘鬆可口一名頻婆果本縣迤西山村有之以產於馬峪者爲最多每年行銷鄰境

林檎即沙果見植物名實圖考別名花紅咸淳臨安志林檎土人謂之花紅洛陽草木記林

檎之別有六花紅亦其一種耳一名來禽又名文林郎果此果味甜能來衆禽故名唐高宗時紀王李謹得五色果似朱柰以貢帝大悅賜爵文林郎因呼爲文林郎果羣芳譜落葉亞喬木高丈餘葉橢圓有鋸齒春暮開花花五瓣色白有紅暈果實形圓

而少扁味甘而微酸夏未成熟向陽一面作鮮紅色極可玩賞本縣以麪而甜者爲沙果脆而酸者爲花紅皆略有香味培植於和暖無風地勢高燥之處結果良好

石榴一名安石榴博物志云張騫使西域得塗林安石榴種以歸故名唐元稹所謂何年安石榴萬里貢榴花也地中海沿岸原產其傳入中國當始於漢代多培養

庭院中落葉灌木高八九尺葉爲長橢圓形對生平滑有光澤仲夏開花瓣深紅萼爲壺狀色赤美麗可觀果實大而圓內藏多數種子種子各有外皮含甘酸漿汁其種類有甜酸兩種性喜溫暖不耐寒冬季宜圍以藁草以禦寒冷其質強健易發育無論下種插條壓條均能生活果可供食用亦可供觀賞

葡萄古作蒲桃亦作蒲陶

見羣芳譜

亞洲西部及埃及等處原產張騫使西域大宛

即今中亞

之佛爾哈那

得種歸

見史記前漢書

始傳入我國蔓生之木本植物莖細而長葉平滑有鋸齒作

掌狀分裂夏初葉腋抽花穗簇生小花色黃綠複總花序花落後結球形小果連綴如珠果肉多漿至秋成熟其味甘酸品種不一有白葡萄紫葡萄牛乳葡萄等名性喜溫暖及日光惡寒冷及陰溼栽培處所宜取向陽方面支棚架蔓使通空氣冬季覆以藁草使不受寒其用途可生食可製脯製乾又可釀酒

西陽雜俎葡萄有白黑黃三色一名黑水晶釀

以爲酒可藏至十年不壞

世人極重視之若加意提倡頗爲農家之大利

落花生一名長生果

見贛州志

一名番豆

見南城縣志

又名地豆

見滇海虞衡志

南美巴西原產與玉

沙河縣志

卷六 物產志上 果類

十六

蜀黍馬鈴薯菸草等同爲新世界之重要農產至何時傳入吾國未詳美人孟氏謂落花生流入中國在十八世紀前而福清縣志云康熙初僧應元往扶桑覓種寄回未知確否一年生矮草本羽狀複葉晝開夜合伏地蔓生抗風力甚強花生葉腋色黃作蝶形梗細長花落則梗下垂雌蕊伸入土中一二寸結實成莢故有落花生之名一莢之實有二三粒炒熟味甘而香兒童尤嗜食之又可榨油其用可食可燃燈可製胰皂油粕可肥田可飼畜莖葉可爲芻草其種別有小大二種小者油多味美而收量少大者油分稍少而收量多近年多種大者性好乾燥不喜多雨土壤宜輕鬆乾燥之砂土或壤土且宜瘠不宜肥蓋肥則莖葉多子實易生空房也

西瓜一名夏瓜

見清異錄

一名寒瓜

見南史及本草綱目

非洲原產五代時胡嶠居契丹始食西瓜

云契丹破回紇得此種

見五代史四夷附錄

學圃餘疏謂金征西域得之故以西名李時珍曰

陶弘景言永嘉有寒瓜甚大可藏至春者即此蓋其時瓜種已入浙東但無西瓜之名耳諸說未知孰是而其非中國土產則無疑義今則南北皆有之本縣所產以近

城一帶姚莊南陽等村爲最佳葉細長蔓生附地生長葉大而有深缺刻稍類羽狀
複葉花單性雌雄同株與他瓜同果實作長圓球形大者重可十餘斤皮色有黑白
黃花斑之別瓢色有白黃赤之異種子色有黑赤之殊炎夏剖食味甘寒可解渴消
暑種植地以沙土爲宜其種法分爲二一爲水澆種法下種早而灌水勤名澆瓜成
熟較早一爲乾種法下種遲而灌水少名旱瓜成熟較晚瓜味以旱瓜爲美其用瓢
可生食子可炒食瓜皮鹽醃或糖漬可作蔬

甜瓜一名黃瓢瓜

見閩書

一名香瓜

見盛京通志

爲亞非兩洲熱帶區之野生植物傳入中

國爲有用之農產最盛無踰齊趙車擔列市肆道路濃香故彼人云未至舌交先以

鼻選

清異錄

以香而小者爲第一

學圃餘疏

蔓生植物形態與黃瓜相似莖葉俱有細刺花

瓣不如黃瓜之尖銳其種法及土質略與北瓜同皮色有青黃黑花斑之異瓜味有
脆而甘者有麪而香者成熟在暑期適投夏日之食好故種者甚多惟多食即與腸
胃不相宜易生疾病

沙河縣志

卷六

物產志上

果類

木類

十七

木類

柏有扁柏側柏檜柏羅漢柏之別本縣所有者普通皆爲側柏多栽植於寺觀祠廟
及墓田中常綠小喬木高六七尺或至二三丈全樹作圓錐形枝葉整列葉小作鱗
狀花單性雌雄同株實爲小球果木材堅可製棺價甚昂種子可入藥名柏子仁

梧桐爲我國原產落葉喬木高二三丈葉闊大有深缺刻背有毛夏日開黃色小花
雌雄同株果實熟則裂開如葉片種子生於邊緣可食木材可製器樹皮可取油

按本

縣之桐未聞能取油者其榨油者爲油桐另一種

楸落葉喬木幹直上聳至高處分枝葉似桐三尖或五尖初夏開淡紫色花香氣馥
郁結實成莢熟即裂開其材可作什物又可爲棋局所謂楸枰者也此木本縣西部
山間多有之士人多用以製棺及器物

桑落葉喬木高二三丈以每年刈取故枝幹低亞葉作廣卵形或心臟形葉邊有鋸
齒亦有有缺刻者春末開小花有淡黃色之萼穗狀花序雌雄異株果實爲長圓形

漿汁之複果名曰桑葚味甘可食又可釀酒有白色紫黑色之別葉可飼蠶自古著聞爲我國重要富源之一皮可製紙根皮可入藥有利尿祛痰之效見日用新本草嫩條可製筐篋木材可製什器本縣近年頗有育蠶者貧民摘桑葉鬻之可獲厚利

杜一名甘棠

爾雅杜甘棠郭注今之杜棠也李時珍曰或云蹠者杜甘者棠杜者蹠也棠者餹也

一名杜梨有野生者有培植

秧苗作接梨之幹木者落葉亞喬木枝上有鍼葉似梨而小邊有鋸齒二三月間開

白花果似梨形較小味極蹠或云其白者名棠梨味甘酸可食

清釋智朴甘棠辨爾雅云杜甘棠郭璞注

云今之杜梨杜梨即甘棠也花純白叢開最繁結實黃黑大如指酸蹠不可食朱注謂白者爲棠赤者爲杜蓋本樊光之說非是赤者爲棠或有之鐵梗木瓜是也因有赤白之說故人以蘋果檳子實之夫蘋果大如拳其色紅白相兼而甘檳大如卵其色紫而甘皆清香而甘爲果實之尤者珍惜寶護之不暇豈有翦伐之理乎惟其酸蹠無所用故人多翦伐詩云勿翦勿伐意有在焉棠杜二名本一種無煩曲解

槐一名穰多栽於庭中或門前隙地有青黃白黑等色落葉喬木高二三丈葉爲羽

狀複葉形橢圓夏日開黃色蝶形花總狀花序花後結漿質長莢果畧作連珠狀木

材堅重緻密心淡褐色邊黃色不易腐朽爲木材中最有用之品槐角槐花均可入

沙河縣志

卷六 物產志上 木類

十八

藥花蕾曝乾炒過煎水取汁可供染色之用

榆落葉喬木高者五六丈或八九丈木材堅韌可作樑檁及農具葉橢圓緣有鋸齒春暮先開花後生葉花細小果實周圍伸長如鳥翅故稱榆莢以其形扁圓纍纍成串又謂之榆錢莢錢可生食亦可熟食其皮有扁平之裂痕可剝脫嫩時採取曬乾磨爲粉名榆皮麪可食嫩葉可作羹漢龔遂治渤海令民種千株備饑

樗爲我國原產落葉喬木高數丈葉柄長一二尺羽狀複葉夏日開單性花雌雄異

株花小色綠雌株結長翅果中含一種子細根蔓生地下隨處生芽萌發即成新株

木材質鬆而白可製器用有花者無莢有莢者無花俗名臭椿荒年人亦採食

羣芳譜

椿俗名香椿常栽培於庭園中落葉喬木高數丈葉形長與樗同嫩時色紅有香味可作蔬北人甚重之夏日開白色小花花後結蒴果成熟裂開其形似鈴種子有翅能飛散他處木材赤褐色堅實可製器具

白楊俗名大楊木落葉喬木生長極速多種植於村邊或墟墓間高者至十餘丈皮

平滑呈淡灰色葉圓而大有鈍鋸齒面青背白葉柄長而縱扁最易動搖雖微風亦蕭蕭有聲開穗狀小花雌雄異株春間花先葉而生雄株之花穗長二三寸雌株之花穗長一寸許花後果熟穗長達三四寸種子有絮成熟即飛散如柳絮木材色白質軟可作建築用及製各種器具今多用爲火柴之梗

青楊一名小葉楊

見植物名實圖考

落葉喬木高者至六七丈葉似白楊而小色青皮亦作

青灰色花小雌雄異株花穗亦短小木材質軟略似白楊惟用途不及白楊之多其

嫩葉味微苦與白楊同均可煤熟換水淘洗加油鹽調食

謹按青楊有二種其一聳直高數丈徑一二尺葉似杏葉而稍大其一幹低多歧枝見廣羣芳譜

柳與楊一類二種以字義言枝硬而楊起曰楊枝弱而垂流曰柳夏小正二月柳穉三月楊是也又與楊合稱爲楊柳詩楊柳依依是也落葉喬木高三四丈枝細長而下垂葉狹長而尖背有短毛灰白色春開穗狀花雌雄異株雌株結果似桑葚種子

沙河縣志

卷六 物產志上 木類

十九

有白絮飛散如雪此樹種植甚易春日培植枝幹夏日插條皆能生活生長迅速約十餘年即成大樹低溼之地尤爲適宜木材質軟而鬆可製農具及各種器用刈其條去皮可編筐筥枝可作薪葉可飼畜嫩葉煮熟鹽醋調拌可食

謹按羣芳譜云柳北土最多枝條長軟葉青而狹長春初生莖萐開黃花鱗次萐上晚春葉長生花中結細子如粟米大細扁而黑上帶白絮如絨名柳絮隨風飛舞著毛衣即生蟲入池沼隔宿爲浮萍此說確否俟考其長條數尺嫋嫋下垂者名垂柳

據上述形態通俗之所謂柳當即古人之所謂楊其垂柳一種似專指柳而言惟楊柳混爲一物統稱曰柳沿訛已久不復可辨矣

檉柳落葉亞喬木一名春柳

見羣芳譜及植物名實圖考

一名觀音柳俗稱西湖柳幹小枝弱皮

赤葉細如絲縷婀娜可愛一年三次作花

羣芳譜

種子小有絮毛熟即飛散秋末葉及

嫩枝均脫落枝條強韌可編筐筥

杞柳落葉灌木河北等處產生最多古人以爲杯棬

見孟子

幹細長而叢生葉狹長有

大葉細葉之別大葉爲長橢圓形細葉爲線狀^線箭鏃形春日開穗狀單性花雌雄異株每年刈取枝條供編製簸箕籬水斗行李箱等器之原料

沙河縣志

卷六 物產志上 木類

二十